

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一九一冊



責任編輯：孫言誠 賀 偉

ISBN 7-5333-0535-3



2B78/08

四庫全書存目叢書·史部一九一

(大陸版—限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.625 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第一九一冊目次

史部·地理類

〔萬曆〕湖州府誌十四卷

〔明〕栗祁 唐樞纂修
上海圖書館藏明萬曆刻本

..... 一

〔嘉靖〕嘉興府圖記二十卷

〔明〕趙瀛 趙文華纂修
天津圖書館藏明嘉靖刻本

..... 三〇二

〔嘉靖〕邵武府志十五卷

〔明〕邢址 陳讓纂修
天一閣藏明代方志選刊影印明嘉靖刻本

..... 五四一

〔萬曆〕湖州府誌十四卷

〔明〕栗祁 唐樞纂修

上海圖書館藏明萬曆刻本

附《四庫全書總目·湖州府志十

四卷》提要

湖州府誌序

昔在周禮職方氏掌天下之圖辨其土地之界司民掌天下之版登其人民之數天子受而藏之天府以施政事焉左史紀言右史紀事總其會于太史以紀其成而當是時列國皆有外史各畫其土地記其人民書其政事行人采之輶車之使上之而職方之圖列國之所奏圖也司民之版列國之所入版也太史之紀列國之所分紀也故周禮統天下之同布之列國聖王之挈其綱也國史明一國之故形之王朝諸侯之序其職也或因大以貫其細或沿末以會其本譬之

于身百骸成體而血氣會焉精神貫焉聖王端居九重而知萬國之情察四方之隱疏逖不閉幽習不違不下堂階而運之天下以有此具也及周衰而諸侯各擅其國版圖不入于王號令不請于上各專土分民私制其政王迹熄國史亡而魯周公之後猶

本序

二

存其初季札觀之曰周禮盡在魯矣孔子于是因魯舊文而作春秋焉因善魯也當是時諸侯之國多矣而己能秉周禮爲春秋所因者獨魯而已國史可易言哉今郡之有誌其國史之遺乎而博者騁于曼辭藻者靡于麗思辟者淆于異說或華而不典或

典而不實或疏畧謗戾至有舐牾大槩不求施用而剽于見聞不資化理而眩于觀覽非誌之本指也夫誌者鑒古而推之今考實而見之治者也紀諸已徃待諸將來按之則其實可稽施之則其効可睹小足以序職大足以經世故君子重焉湖東南之僻

本序

三

郡也郡伯栗侯實來爲守嘗登湖之諸山而望曰美哉湖之地乎吾東望震澤禹之所底定也南望夏駕禹之所巡遊也北望具區禹之所藪澤也禹受帝玄圭平成天地功在四海而湖有其三焉居吳之陽負越之陰抱鼓不鳴車轍罕至地足輿治矣樂哉

湖之民乎地如斗大而頗稱土膏民
力固作勞樹藝無有遺隙蠶絲被天
下其人野而樸陋而儉樸則近質儉
則近約民足與善矣而侯本以精白
主以仁愛凡以保乂其地輯綏其民
使閭里無愁嘆之聲田野有樂生之
慶居三年而政成事集歌頌興矣而

序

序

侯以郡誌尚缺無以徵前而示後也
謀之吾師唐先生先生學孔子之道
講于湖濱有志廢不用不獲經世而
爲侯序其職焉乃曰土地人民政事
侯邦三寶捨是未有能爲誌者也于
是召諸弟子而分授纂之類其總條
其目類以燦然目以不紊類土地則

郡建以下其條十類人民則

下其條十類政事則守令以下其

十類凡有三條凡三十要以削其

言去其蕪議創格立體即事見義

流遡源不唯其文而專歸其實覽之

則其故在目求之則其軌可循後來

者得之而因革之宜廢舉之當悉由

序

五

是而備矣誌成栗侯屬予題其首會
侯轉山西憲臬將行而郡推張侯視
郡事數趣之予惟周之盛時豈獨其
君以周禮致治于上哉抑周召入爲
卿輔出爲蕃宣召公繫諸侯之風周
公繫王者之化而自其封魯世不乏
賢詩之味僖曰奄有龜蒙保有鳬繹

此魯之所以奠邦土也史之稱伯禽曰變其禮易其俗此魯之所以化邦民也而周公之訓曰平易近民此則魯政事之原所以獨賢于列國者也是以史爲實錄而孔子因有取焉茲栗侯既賢而張侯復以精白仁愛相繼而起將庶幾周召之徒而郡因以

六

爲重何詎不若魯哉始先生作誌而予病不獲與聞已而先生且卒矣此固其絕筆也雖聖賢迥異而予傷其與春秋之事偶同因附丘明之意掩袂而題辭云栗侯名祁別號東巖山東人張侯名應雷別號順齋江西人唐先生名樞別號一菴則郡人也

弟子有校讐之勞者得書左方

賜進士出身前資善大夫禮部尚書兼學士工部尚書管吏部左侍郎事兼掌詹事府翰林院事纂修

承天大誌 國史副總裁烏程董份撰

序

七

湖州府誌凡例

一國有史郡有誌史以立義誌以述事故郡備事而存實國考事而成史近來郡縣作者類過嘉蕪議恐非誌體

一土地人民政事侯邦二實三者所存之實不詳以紀之何以爲後人立觀省番鑑戒

一景泰六年降各處修誌條要及天順五年修一統志事目不甚相遠知專以重

湖州府誌

凡例

一物又未樂十六年至景泰五年差官采取并未樂十六年以前天下郡邑圖籍亦只具故實備忘

一鄉邦長老尊戚所關似難直筆若克其各盡必無信語今只於諸人之下各綴衆見之迹則人皆有據義亦何泯

一凡府總合各縣事類本是一體不當與縣駢列須以府爲綱註脚縣款

一凡事目統合外方不專屬本府者不載

如分野之類是也其物產之類雖他方

共生亦載蓋惟著本方所有非泛援也

二詩文所收欲取以存地方事實不論工拙及作者之賢否否則雖嘉不錄

一凡敘述之款初立起引未詳贊斷是發作家辭華非誌本意罷之

一凡叙人物不立賢才忠節等各樣名件

只於每人下直述行事之實無則不鑿

空強造以招鄉議

湖州府誌

凡例

一官師只詳所遺宦業不敢特立名宦名色蓋愧無品評之見亦不敢擅自別辨鄙遺

一周禮土訓掌道地圖以詔道事誦訓掌道方誌以詔觀事虞衡之官致情於察俗辨土故今圖亦不廢

湖州府誌凡例終

湖州府誌三類

土地類

郡建

疆域

山川

鄉鎮

區畝

形勝

津梁

物產

古蹟

陵廟

人民類

戶口

功貴

風俗

辟召

甲科

貢蔭

逸遺

列女

流寓

方藝

湖州府誌
八目錄

政事類

守令

賦役

學校

修築

卹錄

刑禁

兵屯

廨署

郵遞

壇祠

湖州府誌目錄

卷之一

郡建

坊巷附疆域

卷之二

山川

卷之三

鄉鎮

區畝

形勝

津梁

物產

卷之四

湖州府誌
八目錄

古蹟

陵廟

卷之五

戶口

功貴

風俗

卷之六

碑召

甲科

卷之七

貢蔭


卷之八



逸遺



列女

流寓

潮州府誌目錄終	方藝	卷之九	郡牛	卷之十	縣令	卷之十一	賦役	卷之十二	學校 杜學書院附	潮州府誌 目錄	卷之十二	修築	兵屯	卷之十四	廨署	郵遞	壇祠	卹錄	刑禁
---------	----	-----	----	-----	----	------	----	------	-------------------------	------------------------	------	----	----	------	----	----	----	----	----







湖州府誌卷之一

知府栗 祁修

郡人唐 樞編

生員王道隆

王汝源

李 煥校

郡建

按湖州府定名於 本朝起自隋仁壽二年

爲湖州其治在震澤西南涯震澤又名太湖

湖州府誌

卷之一

一

而太湖強半所屬所名吳興郡起三國孫氏

孫氏霸封兄子皓於烏程以嗣吳統故云若

烏程則郡首封之縣也

唐虞以前無可考肇十有二州湖州地域總屬

揚州

夏禹畫九州揚州震澤底定知前是湖爲諸山

之水所注具區湧不能受則郡罹浸溺未成

全地

禹會諸侯防風氏使至防風立國於封禺二山

之間封山今在武康縣東十八里禺山今在

武康縣東南三十里

商湯奄有九有知屬揚州如故其郡之特名無

考

周武王分九州東南惟揚州其數澤具區其浸

五湖郡所屬如故第無可考述

泰伯五世孫周章封吳子都勾吳地屬吳

敬王四十二年越敗吳於笠澤笠澤即震澤

元王三年越滅全吳府域屬越

湖州府誌

卷之一

二

顯王三十五年楚滅越府地歸楚楚以其地立

菰城縣爲春申君黃歇之封邑今下菰城

秦郡縣天下始皇三十五年改菰城爲烏程縣

隸會稽以烏巾程林二家善釀得名又以西

境置故鄣縣烏程在郡東鄣地在郡西今安

吉州界

二世二年項梁起兵吳中乃有吳地即烏程縣

治建子城周一里三百六十七步東西二百

三十七步南北一百三十六步爲項王城城

外有溪管溪水流自兩平橋原可入舟楫

漢高祖五年定會稽六年立劉賈為荆王縣屬

荆國

十一年荆滅十二年封兄子濞為吳王烏程

城鄣城俱屬之

景帝三年改封江都王地連隸江都

武帝元狩二年江都廢復隸會稽

元封二年更鄣曰丹陽

東漢順帝永建元年復屬吳從陽羨人周嘉之

湖州府志

卷之一

三

請周嘉上書請分浙江以東為會

獻帝初平間先為吳郡太守許貢奏分烏程餘

不鄉與餘杭二境置永安縣以縣有永安山即今銀山

三國吳永安元年封兄子皓為烏程侯

寶鼎元年孫皓以吳之永安餘杭臨水陽羨

及丹陽之故鄣安吉原鄉於潛縣水悉注烏

程乃合九縣為郡而以烏程為治所名吳興

吳興郡之名始此謂皓之能嗣吳統也

日武帝太康元年平吳折烏程西鄉置長城縣

即今長興析東鄉置東遷縣改永安縣為武

康縣時共十有一縣曰長城者吳夫率於此築城後而長固以名之

大康九年郡中地震

惠帝永興元年割陽羨及長城之北鄉外為義

興郡

孝武寧康三年郡中甘露屢降

太元十五年夏駕山石鼓鳴未幾有孫恩之

亂

安帝義熙六年徙烏程縣治於子城西一里而

湖州府志

卷之一

四

以子城為郡治即今府基又欲移郡城於東

遷不果郭璞以地惡遭亂璞女謂裁剪可免

阻之故其女從璞廟食郭璞欲移郡於東遷每立標為飛鳥碑

去其女亦善地理郭璞無從因舊址損益之可以永無殘破之虞從之

宋武帝永初元年分故鄣置綏安縣外屬丹陽

綏安即今廣德

文帝元嘉三年郡中甘露降太守王韶之以聞

元嘉十年烏程有白龜生太守袁思道表進

之